

SCRIPT OF EVENING GOJRI NEWS BULLETIN 6MAR 2025 1700HRS

اوننگ گوجری نیوز بولیٹن 6 مارچ 2025

یوہ آکاشوانی جموں ہے ظفر کوہلی تے نصرت تیں خبر سُنو۔

HEADLINES

- ۱۔ وزیر اعلیٰ عمر عبداللہ نے اسمبلی مانہہ اقتصادی جائیزہ رپوٹ ۲ ہزار ۴۲۔۵۲ پیش کیو۔
- ۲۔ وزیر اعلیٰ عمر عبداللہ نے کہیو حکومت بنگس نانہہ نوا سیاحتی مقام غا طور ور ترقی دے گی۔
- ۳۔ کابینہ نے جموں کشمیر نانہہ نوا کاروباری اصولاں غی منظوری دتی۔
- ۴۔ تنظیمی ایکٹ ۹۱۰۲ غے تحت وزراء غی تعداد ۰۱ فی صد تک محدود۔
- ۵۔ وزیر صحت سکینہ اتو نے کہیو جے عوام غی سہولت واسطے آمدنی غو آن لائن پورٹل تیار ہے۔

CM ECO SURVEY REPORT

وزیر اعلیٰ عمر عبداللہ جن غے کولے محکمہ خزانہ گو چارج وی ہے نے اج قانون ساز اسمبلی مانہہ مالی سال ۲ ہزار ۴۲۔۵۲ واسطے اقتصادی سروے رپوٹ پیش کی ہے۔ وزیر اعلیٰ نے اکنومک سروے رپوٹ غی کاپی ایوان غی میز ور رکھی۔ آکاشوانی جموں غا نمائندہ نے اطلاع دتی ہے جے اقتصادی سروے غی رپوٹ نانہہ اسمبلی مانہہ ۲ ہزار ۴۲۔۵۲ واسطے عمر عبداللہ غی طرفوں عام بجٹ پیش کرن تو ایک دن پہلا ہی ایک ایوان مانہہ پیش کیو گیو۔ اقتصادی سروے رپوٹ مانہہ جموں کشمیر غا معاشی منظرنامہ غی توقع گی باری ہے۔

CM BANGUS

وزیر اعلیٰ عمر عبداللہ نے اج کہیو جے حکومت کپواڑہ مانہہ موجودہ بنگس علاقہ نانہہ ایک غیر معمولی منظر غا طور ور تیار کرن غا منصوبہ نانہہ بنا رہی ہے اُنہاں نے مزید کہیو جے سرکار ات آن آلا سیاحاں نانہہ بنیادی سہولیات میسر کران واسطے گج فنڈ وی مختص کیا گیا ہیں جناب عمر عبداللہ نے مزید کیو کہ جنگلات غا علاقہ مانہہ ہونو سیر سپاٹا نانہہ تے ہور وی خوبصورت بناوے۔ وزیر اعلیٰ عمر عبداللہ محکمہ سیاحت غا انچارج وزیر شیخ خرشید غا ایک سوال گو جواب دے رہیا تھا وزیر اعلیٰ عمر عبداللہ نے قانون ساز اسمبلی نانہہ دسیو جے مالی سال ۲ ہزار ۴۲۔۵۲ واسطے منظور شدہ مختص رقم ۰۳ لکھ ہے جس مانہہ ۴۲ لکھ روپیہ پہلا ہی منظور کیا جا چکا ہیں۔

CABINET BUSSINESS RULES

تقریباً ساڈھ ۴ ماہ تیں بعد عمر عبداللہ حکومت نے گزشتہ روز جموں کشمیر واسطے کارباری اصولاں غی منظوری دے دتی جھیری ہُن لیفٹیننٹ گورنر منوج سنہا نانہہ پھجیا جیں گا آکاشوانی جموں غا نمائندہ غے مطابق ان اصولاں نانہہ حکومت غی ایک اعلیٰ سطحی کمیٹی تے حتمی شکل دتی تھی۔ کابینہ غو اجلاس وزیر اعلیٰ غی رہائش گاہ ور ایک گھنٹہ توڑی جاری رہیو جس مانہہ جموں کشمیر غا کاروباری اصولاں مانہہ ترامیم غی منظوری دتی گئی جس غو انتظار پچھلہ ساڈھ چار ماہ تیں کیا جارہیو تھو۔ ان ترامیم غی ضرورت اس واسطے پئی کیو نجے ۵۱ اگست ۹۱۰۲ نانہہ جموں کشمیر نانہہ ریاست تیں مرکزی زیر انتظام علاقو بنا دتو گیو تھو تے یوہ پہلی بار ہوو ہے کہ اسمبلی انتخابات تیں بعد مُنتخب حکومت بنی تھی۔

CABINET STRENGTH

حکومت نے اج اعلان کیو کہ جموں کشمیر گی اسمبلی مانہہ جتنا ممبران ہیں اُن وچوں سرف ۰۱ فی سد ہی وزراء بن سکیں اس تیں زیادہ نہیں آکاشوانی جموں غا نمائندہ غی رپوٹ غے مطابق ہنڈوارا غا رُکن اسمبلی سجاد گنی لون غا سوال غا تحریری جواب مانہہ وزیر اعلیٰ عمر عبداللہ جھیرا محکمہ عمومی انتظامیہ متعلقہ وزیر وی ہیں نے کہیو کہ جموں کشمیر تنظیم نوا ایکٹ ۹۱۰۲ غے تحت وزراء غی تعداد اسمبلی غا کُل ارکان غا ۰۱ فی صد تیں زیادہ نہیں ویں گا۔

DY CM BHEENI NALLAH

جموں کشمیر اگ نائب وزیر اعلیٰ سریندر کمار چودھری نے اج کہی وہے جے کٹھوعہ ضلع غا بنی کلیرہ علاقہ مانہہ بینی نالہ ور پُل تعمیر کرن واسطے تفصیلی پروجیکٹ رپوٹ تیار کی گئی ہے جس غی کُل لاگت ۳۸۵ کروڑ ۸۷ لکھ ہے اس کُل غی جانکاری نائب وزیر اعلیٰ نے داکٹر رامین ور سنگھ غی طرفوں پوچھیا گیا ایک سوال غا جواب مانہہ دتی جناب سریندر نے دسیو جے ۵۷ میٹر گا لما اس پُل غی تفصیلی پروجیکٹ رپوٹ تیار کی گئی ہے۔ تے اس سلسلہ مانہہ سرکار جلد ہی اگلا مالی سال مانہہ رقم واگزار کردے گی۔

ILLEGAL CONSTRUCTIONS

حکومت نے اج کہیو کہ پہلگام ترقیاتی اتھارٹی غا دائرہ مانہہ آن آلا علاقان مانہہ غیر قانونی تعمیرات غی خلاف ورزیاں ور ۹۶۲ نوٹس جاری کیا گیا ہیں آکاشوانی جموں گا نمائندہ غی رپوٹ غے مطابق پلوامہ گا اسمبلی رپکن وپید رحمان پارا غا سوال گا تحریری جواب مانہہ وزیر اعلیٰ عمر عبداللہ جھیرا کہ سیاحت غا متعلقہ وزیر وی ہیں نے کہیو کہ پی ڈی اے نے

حال ہیمنہ ۹۶۲ غیر قانونی تبدیلیاں ور نوٹس جاری کیا ہیں جہیڑی اتھارٹی غا بلڈنگ آپریش کنٹرول ایکٹ غے تحت دتی گئی اجازتاں غے مطابق نہیں تھیں۔

SAKEENA ONLINE PORTAL

صحت طبی تعلیم تے سماجی بہبود غی وزیر سکینہ اتو نے کہیو کہ حکومت نے عوام غی سہولت واسطے مختلف ریونیو خدمات حاصل کرن واسطے ایک آن لائن پورٹل تیار کیو ہے وزیر نے یاه گل وزیر اعلیٰ عمر عبداللہ غی جانب تیں بی جے پی غا رکن اسمبلی سوریندر کمار غا سوال غ اجواب مانہ کہی۔ انہاں نے ایوان نانہ دسیو کہ ریونیو محکمہ نے آن لائن پورٹل تیار کیو ہے جس غے زیرے سی ایل یو واسطے درخواست دتی جاسکے jkrevenue.nic.in تانجے درخواست دہنگان نانہ سہولت مل سکے۔ انہاں نے مزید کہیو کہ اس پورٹل غے زیرے کسی وی درخواست دین آلا نانہ ہن سرکاری دفتر غا چکر لان غی ضرورت نی وے غی۔ وہ گھر بیس غے ہی خدمات حاصل کرسکے غو۔

INTERNATIONAL WOMENS DAY

مارچ نانہ بین العوامی خواتین گو تہاڑو منایا جان غا سلسلہ مانہ اج ضلع سانہ مانہ ۸ خواتین نانہ باختیار بنان بارے ایک پروگرام غا انعقاد کیو گیو۔ سانہ ضلع مانہ بی جے پی غا دفتر مانہ منعقد اس پروگرام مانہ بی جے پی مہیلا مورچہ غا ریسائی سدر سنجینا ڈوگرہ نے شرکت کی۔ اس موقع ور مرکزی سرکار غی طرفوں چلائی جاری سکیمیں توں مستفید ہون آلی خواتین نانہ تے ان سکیمیں توں دوجے کواتین غی وی مدد کرن آلی خواتین نانہ اعزاز سنگ نوازیو گیو۔ اس سلسلہ مانہ لکھ پتی دی دی بلاک پورمنڈل توں تے بھارتیہ کسان مہیلہ سانہ غی رادیکا رانی نے اپنا تجربات سانہ کرتا واں گج اس طرح کہیو۔

POONCH CSC

ایک اہم پیش رفت مانہ جس غو مقصد ضلع پونچھ غا بسنیکاں واسطے ڈیجیٹل خدمات نانہ بدانو ہے ضلع ترقیاتی کمشنر پونچھ وکاس گنڈل نے اج ضلع بھر مانہ بکھ بکھ مقامات ور ۳۲ مشترکہ خدمات سینٹرں گا افتتاح کیو ہے ان خدمات غ شروع کرن تو ضلع پونچھ غا دور دراز تے پسماندہ علاقہ مانہ ضروری سرکاری خدمات تے ڈیجیٹل سہولیات فراہم کران گی امید ہے اس تقریب نے ڈیجیٹل خدمات تک رسائی نانہ بہتر بنان مانہ ایک سنگ میل غو نشان لایو ہے جس مانہ یوٹی لیتی بل غی ادائیگی سرکاری خدمات تعلیم صحت غی دیکھ بھال تے مالیاتی لین دین شامل ہے۔ اس سلسلہ مانہ ضلع ترقیاتی کمشنر وکاس گنڈل نے میڈیا سنگ گل بات کرتا واں گج اس طرح کہیو۔

GRID UDH

ادھمپور غا پاور ہاؤس گریڈ سٹیشن مانہ نوو ۰۶۱ ایم بی اے بجلی گو ٹرانسفارمر لادتو گی وے جس ور تقریباً ۴۱ اشاریہ ۹۸ کروڑ روپیہ خرچ کیا گیا ہیں مارا ادھمپور ضلع گا نمائیندہ اچین دوبے غی رپوٹ غے مطابق اس تیں ادھمپور دوڈھ کشتواڑ تے رام بن غا لوکان نانہ فائدو حاصل وے گو ہن بجلی غی سپلائی بہتر وے غی تے بجلی جان غا مسلہ مانہ کمی آوے غی۔ ادھمپور غا اے ای کیرن کمار گپتا نے اس طرح کہیو۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غا

پینل غی خاطر درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا اُمیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تین 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ

ڈگری یا فیر تسلیم شدہ یونیورسٹی تین گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تین علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری

ہے۔عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے وہ ضلع صدر دفتر کٹھوعہ مانہہ یا اس تین 10 کلو میٹر غادائرہ اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجنترتھی جموں مانہہ بزات خود

آئیندہ 7 مارچ توڑی دینی ویگی۔ اس بارے مزید جانکاری ویب سائٹ

ور دستیاب ہے۔www.newsonair.gov.in
